

Akileraarusiinernik Aalajangiisartut aalajangiinerat

Kinaassutsimik uppersaaneq:	2025-14074
Aalajangiisoqarpoq:	22. Oktobari 2025
Aalajangiinerup tamanut saqqummiunneqarnera:	15. Marsi 2026
Ukiut aningaasarsiorfiusut:	2024
Qulequtaq:	Akileraarutit
Sammisami oqaatsit atorineqartut:	Nammineerluni nalunaarsuiffimmut piffissaliussap kinguartinneqarnissaanik itigartitsineq - § 19 akileraarutitut tapiliussat

Eqikkaaneq

Ukioq isertitaqarfiusoq 2024 pillugu nammineerluni nalunaarsuiffiup naatsorsuutillu tunniunneqarnissaanik kinguartinneqarnissaanik itigartitsinerup maalaarut tunngassuteqarpoq. Itigartitsinerup kingunerisaanik § 19 malillugu 5.000 kr.-inik akileraarutitut tapiliussanik maalaaruteqartoq peqquneqarlunilu akileeqquneqarpoq, tassa nammineerluni nalunaarsuiffik piffissaq eqqorlugu tiguneqanngimmat.

Maalaaruteqartup isumaa tassaasimavoq kinguartinneqarnissaanik itigartitsineq aalajangiussimavaat, tassa noqqaassut nammineerluni nalunaarsuiffissamut piffissaliussap naanerata kingorna saqqummiunneqarsimammat. Akileraarusiinernik Aalajangiisartut kinguartinneqarnissaanik itigartitsineq aalajangiussimavaat, tassa noqqaassut nammineerluni nalunaarsuiffissamut piffissaliussap naanerata kingorna saqqummiunneqarsimammat. Akileraarusiinernik Aalajangiisartut isumaqarput § 19-imi akileraarutitut tapiliussanik 5.000 kr.-inik akileeqqusinissamut immikkut akuersinissamut piumasaqaatit naammassineqarsimasut. Napparsimaneq tassangaannartumillu unitsinneqarneq avataaneersutut pequtaasutut isigineqartariaqarpoq, maalaaruteqartup nammineq sunniuteqarfigisinnaanngisaa. Maalaaruteqartoq taamaattumik ukiup isertitaqarfiusup 2024-ip inissinnissaani immikkoortumi tassani tapersorneqarpoq.

Suliassami pissusiviusut

Maalaaruteqartoq suliffeqarfittut namminersortutut nalunaarsorneqarsimavoq.

2025-mi majip 22-iani ukioq isertitaqarfiusoq 2024 pillugu nammineerluni nalunaarsuiffimmut tunniussinissap kinguartinneqarnissaanik Akileraartarnermut Aqutsisoqarfik qinnuteqarfigaa. Sulisinaanani piffissami sivirusi peqqinnani piffissami majip aappaaniit qulingiluani napparsimmavimmi uninngasimavoq maannakkullu uninngareernermini katsorsarneqarluni. Unitsinneqarneq napparsimmavimmiit allagartakkut uppersarneqarpoq.

Akileraartarnermut Aqutsisoqarfik ulloq majip 27-iani 2025-imi noqqaassummut itigartitsivoq.

Ulloq junip 19-iani 2025-mi maalaaruteqartup nammineerluni nalunaarsuiffini naatsorsuutillu tunniuppai. Ukiumut isertitaqarfiusumut 2024-mut naggataarutaasumik naatsorsuineq paasissutissat nalunaarutigineqarsimasut nammineerluni nalunaarsuiffiusimasut tunuliaqutaralugit tunniunneqarpoq. Akileraarutitigut 5.000 kr.-inik tapinik akileeqqusisoqarpoq, tassa nammineerluni nalunaarsuiffik naatsorsuutillu kingusinaartumik tunniunneqarmata.

Naammagittaalliuuteqartup paasinninnera

Maalaaruteqartup isumaa tassaasimavoq nammineerluni nalunaarsuiffiup tunniunneqarnissaanut kinguartitsiffigineqartariaqaraluarluni. Tamatumunnga tunngavilersuutigaa tassanngaannartumik napparsimalernissamut kinaluunniit illersorsinnaangitsoq. Taakku tassanngaannartumik takkuttarput pilersaarutaasimasullu uppisillugit.

Tunniussiffissamut piffissaliussap tungaanut tunillanneqarsimalluni napparsimalersimavoq ulloq majip aappaani 2025-imi tassanngaannartumik unitsinneqarluni aatsaallu majip qulingiluaani 2025-mi angerlartinneqarluni. Angerlartinneqarnermi kingorna misiligutissanit akissutisinissaq utaqqisimavaa. Nappaatip katsorsaqqinnissaa pillugu nalornineq sianissutsikkut artornarsimavoq taamaattumillu majip 22-iani 2025 sioqqullugu nammineerluni nalunaarsuffissamik kinguartitsigallarnissaq pillugu noqqaassut nassiussinnaasimanagu.

Inatsisitigut malittarisassanut inatsisillu tunngavigalugit sulinermut innersuussinerit

Nammineerluni nalunaarsuiffimmik nassiussinissamut piffissaliussaq:

Nammineerluni nalunaarsuiffimmik nassiussinissamut piffissaliussaq tassaavoq majip aallaqqaataa, kisiannili Akileraartarnermut Aqutsisoqarfik piffissaliussamik sivitsuisinnaalluni, tunngaviit immikkut ittut atuuppata allatigullu Akileraartarnermut Aqutsisoqarfiup sulineranut ataqatigiissinneqarsinnaappat, takuuk Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi kingusinnerusukkut allanngortinneqartumi (Akileraarutinik ingerlatsineq pillugu inatsit) § 16.

§ 16. Akileraaruseriffiup nammineerluni nalunaarsuiffissat ukiup aningaasarsiorfiusup qaangiunnerani akileraartussaataasunit piaartumik tiguneqartussanngorlugit akileraartussaataasunut tamanut nassiussussavai.

Imm. 2. Akileraartussaataasup nammineerluni nalunaarsuiffissamik nassinneqanngitsoornera akile-raartussaataasup nammineerluni nalunaarsuiffimmik nassiussinissaanut pisussaajunnaarsitsingilaq.

Imm. 3. Nammineerluni nalunaarsuiffik akileraaruseriffimmut nassiunneqassaaq ukiumi ukiup aningaasarsiorfiup tulliani, kingusinnerpaamillu:

1) kinguliani nr. 2-mi 3-milu pineqanngitsuni tamatigut 1. maj:

2) namminersorluni inuussutissarsiummik ingerlataqartunit, akileraaruseriffiup ilitersuineri malillugu elektroniskiusumik nammineerluni nalunaarsuiffimmik nalunaarutiginnittut 15. maj.

3) piginneqatigiiffiit, peqatigiiffiit il.il., akileraaruseriffiup ilitersuineri malillugu elektroniskiusumik nammineerluni nalunaarutiginnittut 15. juni.

Imm. 4. Namminersorluni inuussutissarsiummik ingerlataqartut, piginneqatigiiffiit peqatigiiffiillu imm. 3, nr. 2 amma 3-milu pineqartut, ukiup aningaasarsiorfiup siuliani akileraaruseriffimmit missingersuinikkut akileraarutissaminnik angissuliffigineqartut nammineerluni nalunaarsuiffimmik nassiussinissamut piffissaraat ulloq 1. maj.

Imm. 5. Imm. 5. Immikkut pissutissaqartillugu akileraaruseriffik nammineerluni nalunaarsuiffimmik nassitsinissap kinguartinneqarnissaanik akuersissuteqarsinnaavoq, tamanna akileraarusiilluni sulinerup aaqqissuunneqarneranut piffissarlu eqqorlugu naammassineqarnissaanut akornutaanngippat. Nammineerluni nalunaarsuiffimmik nassiussinissamik kinguartitsiniarluni qinnuteqaat tunngavilersugaassaaq, kingusinnerpaamillu ullormi nammineerluni nalunaarsuiffiup nassiunneqarfissaani tunniunneqarsimassalluni, tak. imm. 3-miit 4-mut.

Imm. 6. Inuit ataasiakkaat nammineerluni nalunaaruteqarnissamut pisussaaffeqartut, nammineerluni nalunaarsuinermi immersugassamik akileraaruserivimmit immersoriigaasumik tigusaqartut, nammineerluni nalunaarusiamik nassitsingissinnaapput, paasissutissat atorneqarsimasut eqqortuullutillu tamakkiisuuppata, § 17 naapertorlugu.

Imm. 7. Nammineerluni nalunaarsuiffissap qanoq isikkoqarnissaanut nassiussornissaanullu maleruagassat Naalakkersuisut aalajangersarsinnaavaat, aammattaaq immersugassat Naalakkersuisut akuersisaasa akileraartussaataasunit qanoq atorneqarnissaannut maleruagassat Naalakkersuisut aalajangersarsinnaavaat.

Tunniussinissamut piffissaliussap kinguartinneqarnissaanut periarfissaq pillugu aalajangersagaq tunniussinissamut piffissaliussat allanngortinnerisa malitsigisaanik arlaleriarluni iluarsineqartarsimavoq, imarisamigulli isertitat pillugit Inatsisartut inatsisaata 2006-imi akuerineqarneratigut allanngortinneqarsimanani. Aalajangersakkamut nassuiaatinit 2006-imi makku takuneqarsinnaapput (issuaaneq):

Immikkut peqquteqarluni akuerineqarsinnaasumik nammineq nalunaarsuineq kingusinnerusukkut nassiunnissaat akileraaruseriffiup akuerisnaavaa, akileraarusiineri sulianut naapertuuppata.

Nammineerluni nalunaarsuiffimmik nassiussinissamik kinguartitsiniarluni qinnuteqaat tunngavilersugaassaaq, ukiumilu akileraarusiiffiusumi ulloq 1. marts nallertinnagu nassiunneqarsimassalluni. Qinnuteqaat tunngavilersorneqassaaq, soorlu akileraartartup immersuinissaminut paasissutissat tamaasa pissarsiarisimannikkunigit, napparsimaguni assigisaanilluunniit.

Nammineq nalunaarsugassap kingusinnerusukkut nassiunnissaa akileraaruseriffiup itigartissinnaavaa, kingusinnerusukkut nassiussineq suliit pilersaarusiornerinut inaarsarnerinullu kinguarsaataasussaappat.

Kinguartitsinissaq pillugu qinnuteqarnissamut piffissaliusaaq nassuiaatini tassaavoq martsip aallaqqaataa, tassa taanna taamanikkut nammineerluni nalunaarsuiffiup tunniunnissaa piffissaliuusimammat.

Nammineerluni nalunaarsuiffimmik nassiussinissamut piffissaliussap kingorna nassiussinermut tapeq

Akileraaruserinermik ingerlatsineq pillugu Inatsisartut inatsimmi § 19-mi nassiussinissamut piffissaliussap naanissaa sioqqullugu pissusissamisoortumik nammineerluni nalunaarsuineq tiguneqarsimanngippat akileraarutinut tapiliussap naatsorsornissaanut inatsisitigut tunngavissaqarpoq.

§ 19. Nammineerluni nalunaarsuisussaataasup nammineerluni nalunaarsuut pissusissamisoortoq piffissaagallartillugu nassiussimanngippagu, akileraarutissat nammineerluni nalunaarsuummik nassiussinissamut piffissaliussap ullormik ataatsimik qimmorneqarneri tamaasa 200 kr.-inik qaffanneqassapput, taamaatorli inunnut tunngatillugu katillugit annerpaamik 2.000 kr.-inik, aammalu namminersorlutik inuussutissarsiutinik ingerlataqartunut kiisalu inatsisit naapertorlugit inuttut isigineqarsinnaasunut tunngatillugu katillugit annerpaamik 5.000 kr.-inik.
Imm. 2. Immikkut pissutissaqartillugu akileraaruseriffiup qaffaammik imm. 1-imi taaneqartumik tamakkiisumik ilaannakortumilluunniit qaffaasoqannginnissaa nalunaarutigisinnaavaa.
Imm. 3. Selskabip imaluunniit peqatigiiffiup ilaallu ilanngullugit naatsorsuutit, piffissami nassiussiviusumi suli ataatsimeersuartunit akuerineqanngitsut nammineerluni nalunaarsuummut ilanngullugit nassiussimappagit, ataatsimeersuartoqarnerata kingornagut kingusinnerpaamik ullut 14-it qaangiunnerisigut akileraaruseriffik nalunaarfigineqassaaq ataatsimeersuartut naatsorsuutit pineqartut pillugit aalajangiinerannik. Nalunaarut piffissaagallartillugu nassiunneqanngippat, aammalu aningaasarsiat akileraarutissat naatsorsorneqarfiisa qaffanneqarnissaat ataatsimeersuartut aalajangiinerisa kingunerippassuk, selskabit akileraarutaannut qaffaat taakkununga naapertuuttoq imm. 1-imi maleruagassat naapertorlugit naatsorsorneqartunik taperlugu akiligassiissutigineqassaaq.

§ 19-p oqaasertaani nutaami pisoqqamilu oqaaseqaatini nalinginnaasuni takuneqarsinnaavoq, naatsorsuutit imaluunniit nammineerluni nalunaarsuineq piffissaq eqqorlugu tiguneqarsimanngikkaangata tapeq akileqquneqartarpoq, kisianni nammineerluni nalunaarsuineq naatsorsuutillu amigaataagaluarpataluunniit, tapeq kisimi naatsorsorneqarsinnaasoq.

§ 19 imm. 2-mi aalajangersakkap oqaasertaani nutaami pisoqqamilu immikkut ittumik akuersissuteqartoqarnissamut periarfissaqarpoq, pissutigalugu § 19 malillugu Akileraartarnermut Aqutsisoqarfik tapeqartitsinngissinnaammat. Oqaasertai allanngortilaarneqarput, taamaallaat tassani tunngavigineqarpoq akileraarutip qaffannera tapimut maanna allanngortinneqarmat, akileraarummut attaveqanngitsumik naatsorsorneqartoq.

Inatsisip oqaasertaanut pisoqqanut oqaaseqaatini nalinginnaasuni assersuutit akileraartussaataasup imaluunniit ilaqqat qanigisat perulunnartumik napparsimani immikkut ittumik akuersissuteqarnissamut tunngavilersuutaasinnaasutut oqaatigineqarpoq. Tassa imaappoq uani akileraartussaataasumut nassiussinissamut pisussaaffiup naammassinissaanut ajornakusoortitsisinnaasut pissutsit oqaatigineqarput Suleriaatsimi akileraartussaataasup nammineq pissutsit atuagai kisimik eqqarsaatigineqarput, pissutigalugu akileraartussaataasup kukkunerisuisuata napparsimani assersuutigalugu piffissaq eqqorlugu nassiussinissamut pisussaajunnaarsitsinngimmat.

Akileraarusiinerimik Aalajangiisartut naliliineri tunngavilersuutaalu

Nammineerluni nalunaarsuinerimik tunniussinissamut piffissaliussap kinguartinnaasunut itigartitsineq pillugu maalaaruteqartoqarpoq. Itigartitsinerup kingunerisaanik § 19 malillugu 5.000 kr.-inik akileraarutinut tapiliisoqarlunilu akileeqquisoqarpoq. tassa nammineerluni nalunaarsuineq piffissaq eqqorlugu tiguneqarsimanngitsutut isigineqarmat.

Tamatuma kingorna itigartitsinermut tapiliiummillu akileeqqusinermut isummersortoqarpoq.

Maalaaruteqartoq elektroniskimik nalunaaruteqartarnermik atuinngisaannarsimavoq taamaattumillu § 16, imm. 3 nr. 1-imi nammineerluni nalunaarsuinerup tunniunneqarnissaanut piffissaliussamut ilaalluni, tassa imaappoq piffissaq eqqorlugu tunniussinissamut piffissaq kingusinnerpaamik majip aallaqqaataa, 2025-mi sisamanngornerusoq. Peqatigisaanik nammineerluni nalunaarsuiffimmik tunniussinissamut piffissaliussap kinguartinneqarnissaanut aamma piffissaliussaq kingulliulluni. Aatsaalli majip 22-iani kinguartitsisoqarnissaa noqqaassutigisimallugu, tamannalu piffissaliussamik kinguartitsinissaq pillugu noqqaassuteqarnissamut piffissaliussap kinguneralugu. Taamaattumik eqqortumik nammineerluni nalunaarsuinerup tunniunnissaanut piffissaliussap kinguartinnissaanut itigartitsisoqarpoq.

Nammineerluni nalunaarut naatsorsuutillu Akileraartarnermut Aqutsisoqarfimmit aatsaat juni 19-iani 2025-imit tiguneqarput. Nammineerluni nalunaarummik tunniussinissamut piffissaliussap kinguartinneqarnissaanik akuersisoqarsimanngimmat kingusinaartumik tigusisoqarneranut akileraarutinut tapiliussat akileraarutigineqassapput. Tapiliussat akileqquneqartut 5.000. Taakku aningaasaapput namminersorlutik inuussutissarsiortunut akileqquneqarsinnaasut taakkulu sivikinnerpaamik ulluni 25-ini kingusinnaarsimagaanni akileqquneqartarlutik.

Tamatuma kingorna apeqqutinngorpoq nammineerluni nalunaarutip naatsorsuutillu kingusinaarluni tunniunnerinut tunngavilersuutaasup kingunerisaanik § 19 malillugu 5.000 kr.-inik akileraarutinut tapiliussanik akileeqquisoqassannginnersoq.

§ 19, imm. 2-mi immikkut akuersisoqarnissaanut periarfissaqarpoq. Aalajangersakkamut nassuiaatit malillugit pissusissamisoortumik nammineerluni nalunaarsuffiup/naatsorsuutit piffissaq eqqorlugu nassiunissaanut inuttut pissutsit peqqutigalugit pisinnaasimanngippat.

Inatsimmi aalajangersakkamut nassuiaatini tapiliussaq pillugu immikkut akuersinissamut assersuutit allaaserineqartut tamakkiisuunngillat. Pingaarnertigullu pissutsit marluk immikkut akuersissutaasinnaasut allaaserineqarput. Pisumi siullermi akileraartartoq piffissaliussamik sissuertussaavoq, piffissarli eqqorlugu nassiussinissamut akornuserneqarsimalluni. Pisup aappaani piffissaq eqqorlugu nassiussimasoqarpoq, nassiunneqartullu amigaateqarlutik. Pissutsinut assigiissut tassaavoq pissusissamisoortumik nammineerluni nalunaarutit amigaataasut nassiussinissamut piumasaqaatinik eqqortitsinissamut alaatsinnaassimannginnermik peqquteqanngimmata.

Maalaaruteqartoq ilisimatitsisimavoq nammineerluni nalunaarutip naatsorsuutillu piffissami tunniutinnginnerinut pissutaasoq nammineerluni nalunaarutip tunniunnissaanut piffissaliussap tungaanut napparsimanini kingornalu unitsinneqarnini pissutigalugu nammineerluni nalunaarutip naatsorsuutillu piffissaq eqqorlugu tunniussinnaasimanagit. Maalaaruteqartoq majip aappaaniit qulingiluaanut 2025-mi unitsinneqarsimaneranut uppersaatissaqarpoq. Maalaaruteqartoq taamaalilluni nammineerluni nalunaarutip tunniunnissaanut piffissaliussap tungaanut unitsinneqarsimanngilaq. Tassanngaannartumik ajortooneq pissutiginagu kisiannili tunillatsinneq pissutigalugu unitsinneqarsimammat unitsinneqarnissaa sioqqullugu napparsimasimanngilaq.

Taamaalilluni maalaaruteqartup sunniuteqarfigisinnaanngisaanik piffissamut tunniussinissaanut ajornartorsiuteqarsimanngilaq - imaluunniit assut ajoquteqarsimanngilaq. Tamatuma kingorna apeqqutaalerpoq junip 19-ianiit sukkanerusumik maalaaruteqartoq tunniussisimasariaqaraluarnersoq, tassa napparsimmavimmit angerlareernermi kingorna qaammat ataaseq ullullu qulit qaangiunneranni. Ullut 25-it kingorna tamakkiisumik akileraarutinut tapiliussanik akileeqquisoqartarnera eqqarsaatigalugu, maalaaruteqartup napparsimmavimmiit angerlartinneqarneraniit ullorpassuunngitsut, tassunga isummersornissaq pisariaqarpassinngilaq.

Tamatuma kingorna Akileraarusiinernik Aalajangiisartut ataatsimut naliliinerat tassaavoq nammineerluni nalunaarutip/naatsorsuutit kingusinaartumik nassiunneqarnerisa malitsigisaanik maalaaruteqartoq eqqunngitsumik akileraarutinut tapinik akileeqquneqarsimasoq.

Akilaraartarnermik aalajangiisartut aalajangiinerat

Ukiumut isertitaqarfiusumut 2024-imut nammineerluni nalunaarutip kinguartinneqarnissaanut Akilaraartarnermut Aqutsisoqarfiup itigartitsisimanagera aalajangiussimaneqarpoq.

Akilaraartarnermut Aqutsisoqarfiup § 19-mi akileraarutinut tapiliussanik 5.000 kr.-inik peqqusinera akileeqqusineralu eqqunngitsumik pisimavoq ukiumilu isertitaqarfiusumi 2024-mi inissiinermi immikkoortumi tassani maalaaruteqartoq taparserneqarluni.

Akilaraaruserinermik ingerlatsineq, kingusinnerusukkut allanngortinneqartoq, pillugu Inatsisartut inatsisaanni nr. 11, 2. november 2006-imeersumi §§ 16 aamma 19